



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 28. Joannis Sobieskii Poloniae Regis decessus, ac tumultus inde exorti.

---

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

logicum, legationem Lavardini Orato-  
ris contra jura asylo-rum, Historiam Sæc. XVII.  
Nepotismi, Regaliam exenteratam at- A. C. 1696.  
que explosam, necnon ascetica præ-  
sertim pro asserenda immaculata B. V.  
Conceptione scripsit, ac denique no-  
dum Prædestinationis ex sacris literis  
dissolutum, quod opus agonizante vix  
non Authore sub prælo sudabat, ac  
postmodum immoderata æmulum  
censura exagitabatur; hoc autem libri  
sui fatum prospexisse videtur Cardina-  
lis, cum illum antea summo Pontifici  
transcriptum moriturus Cardinali Lean-  
dro Colloredo, & Cosmo III. Etruriæ  
Duci impensius commendasset. Prælo  
etiam parata habebat tractatum de  
opinionem probabili, dissertationes de  
Baptismo infantium, de Atheismo  
contra Heideggerum, necnon Com-  
mentaria in Jus Canonicum.

## §. XXVIII.

*Joannis Sobieskii Poloniae Regis de-  
cessus, ac tumultus inde exorti.*

Decessit pariter hoc anno Joannes III. *Hode vie de*  
Sobieskius Poloniae Rex, qui cre- *Louis XIV.*  
bris victoriis contra Turcas Tartaros- *lib. 51.*  
que reportatis sibi viam ad Regni solium *Theatr. Eu-*  
straverat, ac præ ceteris suis Ante- *rop. t. 15.*  
cessoribus Reipublicæ Polonæ gloriam,

A a 5

Na-

Sæc. XVII. Nationisque suæ felicitatem ad supremos evexerat apices: Præcipue vero gloriosam nominis sui memoriam omnino æternam reddidit Vienna Austriæ a Turcarum exercitu liberata: Priusquam vitæ suæ cursum absolveret, die vigesima septima Februarii Marchioni de Arquien nuper Romana Purpura decorato rubrum Galerum præsentem Apostolico Pontificis Nuntio imposuit, fœdusque contra Turcas cum Moscis conclusit, ac demum Michaellem Antonium Hackium Abbatem Olivanium, qui Regi toxicatam medicinam propinasse, falso accusabatur, innocentem declaravit: paulo post cum ad hydropis vehementiam indies nova fieret accessio, salubrioris aëris gratia die decima quinta Maij Villam-novam arcem una leuca Varavia distitam delatus est, ubi tamen ex apoplexiæ tactu die decima septima Junii mortalitatem exiit, anno Regiminis sui vigesimo secundo, ætatis vero septuagesimo secundo. Defuncto Rege Radziewiskius Regni Primas ac Gnesnensis Archiepiscopus pro eligendo Successore comitia indixit, in quibus tamen ob diversas factiones nil concludi poterat; quidam enim Gallis addicti Franciscum Ludovicum Borbonium Contium Principem, alii Livium Odescalchium Innocentij XI. Nepotem, Regina

Regina vero Carolum Filium suum secundogenitum, Leopoldus denique Imperator, & Apostolicus Papæ Nuntius Fridericum Augustum Saxonie Electorem ad solium promoverere certabant: non leves etiam motus concitabant armatæ Polonorum ac Lithuanorum, ut vocant, *confederationes*: unde nonnisi post multas, nec incruentas altercationes unice conventum est, ut convocatis duntaxat Nobilibus electio fieret: demum pacatis nonnihil animis decrevere Senatores. I. Non esse eligendum Regem, nisi religione Catholicum. II. Habendum pro hoste Patriæ, qui absque unanimi ordinum consensu Regem proclamaret, aut indignum eligi suaderet. III. Terminum electionis inchoandæ & finiendæ fore a decima quinta Maij usque ad vigesimam sextam Julij anni sequentis. IV. Locum electioni destinatum vallo & fossa esse muniendum. V. Radziewiskio Primate Consiliarios esse adjungendos. VI. Stipendia militibus mature numeranda. VII. Denique Viduæ Reginæ suadendum, ut Regno interea excederet, ne pro suo Filio aut Contio Principe sua interponere posset studia. His conventis die vigesima septima Junij Contius ab octoginta Nobilibus electus, Varsaviæ a Primate in Regem pro-

Sæc. XVII.

A. C. 1696.

Sæc. XVII. A. C. 1696. proclamatus est: duabus postea horis in Saxonæ Electorem centum quinquaginta Nobiles sua contulere suffragia, qui etiam a Cujavensi Episcopo die decima quinta Septembris promulgatus, sensim accedentibus æmulis, sceptrum sibi asseruit, ceteris Competitoribus eo acceptior, quo potentior, & bellica fortitudine clarior, magisque alienus a Lutherana secta, quam ante biennium Romam profectus in manibus Christiani Augusti Saxo-Citiensis Ducis Episcopi Jaurinensis ejuraverat.

## §. XXIX.

*Aliorum Principum atque Illustrum extrema.*

**P**ræter hunc eodem hoc anno die vigesima quinta Februarii Joannes Alexiovicius olim Magnus Moscoviæ Dux vivere desiit in quodam Monasterio, ad quod ob mentis imbecillitatem detrusus, ibidem octo annos transiit, relicta Regiminis cura fratri suo natu minori Petro Alexiovicio, qui hoc anno post diuturnam cruentamque obsidionem Turcis Asaffium eripuit. Hunc fatali mortis necessitate die decima septima Maij sequebatur Mariana Austriaca Ferdinandi III. Cæsaris Filia, ac Philippi IV. Hispaniæ Regis uxor, quæ